

Q. D. B. V.

DISPUTATIO MEDICA

SISTENS

MILLEPEDAS,

IN ILLVSTRI ARGENTORATENSIVM

UNIVERSITATE

PRÆSIDE

VIRO Nobilissimo, Amplissimo,

Experientissimo atq; Excellentissimo

DN. JOH. SIGISMVND
HENNINGERO,

MED. DOCTORE EJUSDEMQUE ET
BOTANIC. PROFESSORE PVBL. ORD. LONGE
CELEBERRIMO, ET H. T. FACVLTATIS
MEDICÆ DECANO SPECTABILI,

DN. PATRONO, FAULTORE ATQUE
PRÆCEPTORE AD DIES VITÆ COLENDO,

SOLENNI ERVDITORVM EXAMINI SVBMITTIT,
JOHANNES PHILIPPVS ELVERT,
SPIRENSIS, AUCTOR.

Ad d. 12. Mens. Februar. MDCCXI.

HOR. LOCOQVE SOLITIS.

ARGENTORATI,

LITERIS JOSIÆ STÆDELI, ACAD. TYPOGR.

ILLVSTRI
LIBERALITATIS
OTTOONIANÆ
DNN. DIRIBITORVM
COLLEGIO.

VIRIS
MAGNIFICIS, NOBILIS-
SIMIS, MAXIME REVERENDIS, AM-
PLISSIMIS, CONSULTISSIMIS, PRV-
DENTISSIMIS, EXPERIENTISSI-
MIS AC SPECTATISSIMIS.

MÆCENATIBUS SUIS
MAXIMIS

Hanc Dissertationem Academicam

devota

qua par est, animi submissione

D. D. D.

JOH. PHILIPPUS ELVERT,

AUCTOR



PROEMIVM.



Terria vastissima regna,

minerale, animale & vegetabile, largissimum penu remediorum nobis supeditare, notius est, quam

ut hic demonstrari debeat, ita ut nil fere in iis existat, quod non dextre adhibitum in emolumentum corporis nostri cedere queat, ut proinde non tam inopia quam copia & abundantia medicamentorum laboremus. Imo quæ sunt aut putantur venena, & vitæ nostræ insidiantur, legitime præparata, & cicurata optima evadere possunt & validissima medicamenta, præcipue si existunt in manu periti artificis, ubi sæpius morbis tanquam Deus ex machina occurrunt, ubi enim virus ibi virtus. Illa etiam quæ videntur vilissima, sordida & abjecta, sæpius maximum effectum in graviorum etiam morborum cu-

ratione exserunt, & alia pretiosa & rara æstimata multis parasangis post se relinquunt. Pro exemplo ex animali regno esse possunt plura animalia & insecta, uti sunt lumbrici terrestres, formicæ, cantharides, aranei, lacerti, scorpîi, hirudines, scarabæi, &c. imo ipsi pediculi & cimices, quæ ultima animalcula etsi potius in pœnam quam remedium homini data esse videantur, tamen & hæc usu Medico suo tempore non carent. Non infimum vero locum inter hæc obtinent Aselli seu Millepedæ, animalcula utut vilissima æstimata, in Medicina tamen utilissima, & efficacissima, quæ in Cathedram Medicam producere, inque virtutes eorum inquirere in præsens constitui, cum enim temporis & studiorum ratio postulent, ut publicum aliquod profectuum meorum in Medicina Specimen ederem, placuit hæc animalcula seligere, & in his ingenii vires experiri. Altissimum Numen invocantes, ut conatus nostri feliciter procedant.

I. Ut

I.



Vero ordine procedamus, ab eorum denominatione initium faciemus.

Et quidem Græcis dicuntur ὄνοι Galeno hinc inde in suis scriptis, item ὄνισκοι Dioscoridi & κεβαρίδες, aliis πολύποδες, vel conjunctim ὄνοι πολύποδες, item ὄνοι κατοικίδιοι, nonnullis etiam τύλοι, aliis κύαμοι & hæ sunt præcipuæ denominationes Græcæ. Latinis appellatur Aselli, Millepedæ, Millepedes, & sic in officinis Pharmaceuticis communiter appellari solent: centipedes, multipedes; Cælio Aureliano Chronic. l. 4. c. 4. dicuntur procelliones, aliis porcelliones, quam vocem adhuc retinent Itali, à quibus vocantur hæc animalia porcelleri, & in Lugdunensia Gallia porcelets. Marcellus Empiricus appellat cutiones. Germanice dicuntur Maur-oder Keller-Esel/Schäffelein/Keller-Wurm. Gallis Cloportes, Poureclets.

II.

Et hæc sunt præcipuæ denominationes. Et quidem ὄνοι, ὄνισκοι, Aselli dicuntur, non quod asino quoad formam sint similes, vel quod motu tardiore incedant, satis enim celeriter sese subducere, & abscondere queunt, sed quod ad colorem ejus lividum potissimum accedant, Germani etiam hoc nomen retinent, & nominant Maur-oder Keller-Esel/ quia ut plurimum in cellis vinariis, sub regulis & muris, eorum rimis aliisque similibus locis humidis reperiuntur: τύλοι

à cutis callo & duritie. *νύαμοι*, quia contacti in sese contrahuntur, & in globulum complicantur, ubi tum temporis formam fabæ quadantenus referunt, seu quod juxta Jonston. è fabarum folliculis seu culmis prodire solcant. Millepedæ dicuntur non proprie, sed idem hic significat ac animal pluribus pedibus præditum, nam quatuordecim tantum habent pedes, septem nimirum in quovis latere.

III.

Referuntur vero Millepedæ ad insecta terrestria multipeda non alata, & brevem hic earum dabimus descriptionem, seu delineationem. Sunt insecta exanguia ovipara, parva, digitum transversum vix longa, semidigitum fere lata, colore livido cinericio nigricante, in superiore præcipue parte seu in dorso, in ventre vero albicante, quatuordecim pedibus gaudentia, utrinque septem, singulis pedibus una junctura vix perceptibilis, latera circa pedes serræ modo sunt dentata, cutem obtinent quasi squamulam & quadantenus callosam, ex novem flexuris partim majoribus partim minoribus constantem, unde sese contrahere possunt & complicare, & juxta Scribonium Largum conduplicare in orbem pilulæ rotundissimæ similem, vel ut Galenus loquitur ad fabæ similitudinem, in cutis prominentiis seu flexuris hinc inde nigriores seu luteæ maculæ conspiciuntur. Instructa sunt in capite duabus antennis prominentibus, mediantibus quibus viam tentant. Prædita sunt cauda bifida longiuscula acuminata. Cutem quandoque sponte deponere nonnullis putatur, cum eorundem exuviae interdum reperiantur, de quo tamen non immerito dubitatur. Degunt in cellis aliisque locis subterraneis, uliginosis ac humidis, rimis parietum, sub tegulis, lapidibus, hydriis, & vasis aquariis fi-

Ætlibus in hortis, item in medullis arborum excelsis, & inter corticem ac caudicem putrescentem. Tepido humore vivunt, juxta Jonston. in rimis parietum, aut ædium latebris hyemem transigunt. In calidis regionibus & siccis etiam reperiuntur, sed ibi nocturno rore vaporeque resarciunt, quicquid per diem humoris fuerat exhaustum.

IV.

An ovipara sint vel vivipara nonnulli dubitant: Plerique ovipara statuunt, & quidem Joh. Jonston. Hist. Nat. de insect. 1. 2. tit. 2. c. 1. p. m. 170. ovipara refert his verbis: coeunt, & à coitu ova deponunt candida, splendentia, margaritulis similia multa, & eodem loco coacervata, ut anno 1583. observavimus. Ex ovis primum vermes duriusculi excluduntur, qui aliquantisper fere immobiles hærent & albicantes, tandem parentum more liquorem aut rorem sugunt. Vivum tamen Millepedarum partum observavit, Philipp. Frauendorffer. C. N, C. Dec. 3. ann. 3. obs. 2. p. 3. ubi dum Millepedam microscopio lustrat, circa primum pedunculorum parà capite numerando, vidit aliquid sese movere, non multo post animalculum instar minimi pediculi celerrimo cursu prorumpere, insequente mox altero, tertio usque ad trigesimum septimum intra brevissimum tempus: erant autem hi aselluli bene formati ejusdem inter se magnitudinis, ex eodem foraminulo in loco ad partum cœteroquin inconsueto & quidam matre mortua egressi. Hisce subjungit Christianus Langius in Lect. de Mat. Med. p. m. 429. quæ ipse observavit, his verbis: communiter dicitur, quod ponant ova, quæ in loco humido excluduntur, sed meminimus aliquando observasse, quod foemellæ ova & tenellulos asellos ventri adhærescentes gerant, pene ad

morem cancrorum fluviatilium : Si quid in hac re conjectari licet, forsan ova sua naturaliter deponunt, ex primo pari pedunculorum, sicuti e. c. gammarum seu cancri fluviatiles per certum foraminulum tertio pari brachiorum in primo osse insculptum parere solent, uti de cancri fluviatilis partibus genitalibus prolixè agit Luc. Anton. Portius C. N. C. Dec. 2. ann. 6. obs. 19. p. m. 48. seqq.

Y.

Referimus itaque Millepedas ad insecta ovipara, uti talia ovula rotunda rubicundi coloris præterita æstate, sæpius sub vasis aquariis in horto conspeximus. Et sic etiam statim ex præexistente seminio & maris ac femina congressu produci easdem, non vero absque præexistente ovulo ex sola aliorum corporum corruptione seu putredine procedere æstimamus, quamvis in locis uliginosis potissimum proveniant, generationem enim æquivocam hic locum non habere asserimus. Nam quod ad instantiam attinet, quando easdem etiam in corpore humano produci posse quidam exempla proferunt, ita Joh. Laurentius Lælius C. N. C. Dec. 11. Ann. 1. obs. 98. p. m. 228. refert de puella 15. annorum, quæ à perpeffis ultra biennium variis symptomatibus, diversis multorum medicamentis frustra adhibitis liberata fuit Syr. emetico Angeli Salæ, quo mediante plures quam 60. Millepedas expulit, & Joh. Nicol. Binninger C. 4. obs. 3. de quodam, qui certa quadam die Millepedas vivas evomuit innumeras, per hypocaustum currentes. Cum in priori casu ipsa puella confessa fuerit, se aliquando magna siti infestatam ex vetusta aliqua cisterna bibisse, hinc facile potuit seminium illarum haurire; in postero-

ri Binningerus fatetur , in corpore tali cachectico , ejusmodi bestiolas omnino generari potuisse , cum forte imprudenter earum semina cum alimentis admisisset , quæ à calore nativo animari , & idonea putrefactione uti vermes nutriri potuerunt. Nam quod ad Vomitum illum attinet , quem describit, Ros. Lentil. Miscell. Med. Pract. Part. 1. p. 89. ubi præter alia etiam 162. Millepedæ rejectæ fuere , ille morbus omnino ad fascinationem est referendus, sicuti prolixè describitur à p. 81. ad p. 102.

VI.

Differentiam quod concernit , videtur non nisi unam esse speciem , nec inter se differre nisi magnitudine , colore atque loco , dum nempe sunt majores vel minores , coloris fusci cinericei vel albicantis , vel domesticæ aut sylvestres , uti Nicolaus Lemer. trait. univers. des Drog. simpl. p. m. 496. ratione loci natalis differentiam facit , quando inquit : Il y en a de deux especes : les uns sont domestiques , & ils se trouvent dans les fentes des pierres , aux lieux humides & salpetreux , dans les caves. Les autres sont sauvages & ils se tiennent dans les bois. Non enim videtur vel magnitudinem speciem variare cum nutrimentum copiosum hic maximam partem conferat , nec colorem , qui pro diversitate ætatis & loci variat , nec locum , licet locus ubi degunt differentiam & electionem dare possit ad usum Medicum , sicuti majores tanquam meliores ante laudato Lemery expetuntur. Nam aliud plane insectum intelligit Plinius libr. 20. c. 2. ad Millepedas nostras plane non referendum , quando inquit : folia peponum sanant cum vino canis morsus , item Millepedæ , specia Græci vocant (ubi

(ubi in notis in margine , sepa Lucano tabificus seps ,
eum inquit , ossaque dissolvit cum corpore tabificus
seps, multipedæ , sepx) ob longam pilosis pedibus, pecori
præcipue nocivam, morsum tumor insequitur & putrescit
locus. Nam hoc ipsum animal inter serpentes mortiferos
refertur. Describitur ab Aëtio sepe tetrab. 4. serm. 1. c. 26.
p. m. 774. & à sepibus percussis sanguinem excerni, insequi
sanem graveolentem, & affectæ partis putrefactionem,
& intra 3. l. 4. dies perire. Vnde à σήπω putrefacio no-
men obtinere dicitur, & ab eodem verbo Græco me-
dicamenta septica appellantur, quæ vim putrefaciendi
obtinent,

VII.

Sed ad usum Medicum quem obtinent, potif-
simum accedamus, cum hujus gratia harum examen
sit primariò institutum; Et quidem veteribus jam u-
sus innotuit, ut Galenus dixerit, in Medicina maximas
habere commoditates, & Langius Mat. Med. p. m.
429. in Medicina multiplicis esse usus, & Ettmüller, etsi
sint insecta vilissima in medicina tamen esse utilissima.
Virtutem autem & efficaciam suam obtinent à Sale
volatili acri nitroso, quem magna quantitate in se
possident. Vnde obtinent virtutem aperiendi, atte-
nuandi, incidendi, discutiendi, abstergendi, penetran-
di & resolvendi, præcipue vero utilitatis peculiaris
sunt in mucilagine tartarea resolvenda, calculoque ad
mucilaginem reducendo, in obstructionibus viscerum
aperiendis, ex quibus recensitis facile patet in multis
morbis insignem laudem mereri, uti ex thesibus se-
quentibus in specie patebit.

VIII.

Præcipua vero virtus, quam obtinent est diu-
retica, quæcunque enim Sale nitroso gaudent val-
de

de efficaciter Urinas pellant. Hinc Urinae difficultati auxiliantur, mucilaginem Tartaream renibus impactam abstergunt, concretionem sabulofam & mucilaginosam resolvunt, unde in dysuria, ischuria, calculo, tam præcavendo quam curando, doloribus nephriticis &c. laudantur. Præcipue vero in curando calculo commendantur & in confirmationem hujus rei allegantur Horat. Augenius Tom. 2. l. 9. ep. 8. p. m. 609. & Wilhelmus Laurenbergius in epistola de calculo; quorum prior exemplum profert de puero calculoso sectioni jam destinato, & de juvene 18. annorum, quorum uterque usu millepedum fuit curatus: Remedium hoc erat, & Pulv. milleped. præp. ʒi ad summum ʒiij. vix vitæ ʒß. Juris cicet. rubr. ʒix. vel x. capiat horis ante prandium quinque; hujus remedii usu, qui proxime incidi debebat, liber ab omni calculo nono die fuit. Ad imitationem Augenij, Wilh. Laurenbergius ut ipse de se refert, pro vecta jam ætate calculo vesicæ obnoxius factus, eo tamen, Jehovahæ auxilio vi medicamentorum admirabili, & labore molestissimo quidem, attamen in defesso liberatus est, sicuti integram historiam lectu dignam prolixè recenset. Dan. Sennertus Practic. l. 3. part. 8. f. r. c. 2. p. m. 847. seq. & ex hoc deinde plurimi alii auctores.

IX.

Uterius hunc contra calculum effectum confirmat Ettmüller. Schroed. dilucid. in Anglia duabus mulieribus calculo afflictis cum fructu potum hunc fuisse propinatum, eo modo, quem describit Sennertus loco alligato. Hinc pro præservando calculo vesicæ infundere millepedes in cerevisiam fermentandam, & inde potum parare. Et testimonio ejusdem Ettmülleri, Lindanus curavit aliquos ea methodo, quam descripsit Sennertus, cum pulvere millepedum; vel de-

cocto millepedum cum ciceribus. Et hinc sub variis formulis possunt exhiberi; & quidem in forma pulveris, cum arcano duplicato, vel tartaro vitriolato aut in forma potionis. v. c. R. Millep. præp. Lap. percar. ocul. 69. præp. āā. ʒj arcân. tartari gr. xv. Aq vitæ chærefol. fragor. halicacab. āā. ʒij syr. dialth. Fernel. q. s. f. potio cochleatim sumenda. Aut in forma pilulari pro scopo diuretico hac ratione describit Willis. Pharmac. s. 2. c. 2. p. m. 83. R. Millep. præp. ʒij flor. sal. ammon. ʒß. Nuc. Mosch. ʒß. Thereb. Venet. q. s. sumat iiij. bis in die. Idem ibid. parat quoque aquam destillatam diureticam non inefficacem h. m. R. millep. recent. lb ij. fol. aparin. chærefol. saxifrag. virgæ aur. āā. Mij rad. raphan. sylvestr. ʒvj Nuc. Mosch. ʒj bacc. Junip. Sem. Dauc. Sylv. āā. ʒij concisis & contusis affunde serilactis c. vino alb. lbviii; destill. organis communibus, liquor totus misceatur, dos. ʒiiij bis vel ter in die. Aut succus expressus potest exhiberi juxta eundem Willisium hac ratione: R. milleped. rec. lotor. num. 40. ad 60. Nuc. Mosch. ʒß simul contusis affunde v. saxifrag. (vel vin. alb. generos) q. s. f. expressio & ebibatur. Sub forma tincturæ quoque exhibet, paratam ex Millep. siccatis cum tinctura salis tartari, quam in vehiculo idoneo â gt. 15. ad 30. propinat.

X.

Circa affectum hujus remedii Laurenbergius notavit se post ejus assumptionem totius corporis calorem percepisse, tribus vel quatuor horis à sumto medicamento pectoris quandam compressionem, & quasi imminens animi deliquium. Ussu continuato sub pubis osse ad regionem ostij vesicæ magnos sentire cœpit dolores, paulo post parum Urinæ profluebat, & cum ea lamellæ exiguæ instar squamæ piscis subrubræ, quæ licet

licet aliquam visciditatem habere viderentur ad tactum tamen in sabulum resolvebantur, ita ut manifesto appareret, tunicam vel crustam esse à majore calculo solutam. Cujus medicamenti usum cum continuaret, interdum tertio, quarto, nonnunquam quinto die hujusmodi lamellæ crassiores & fragmenta grandiuscula profluxerunt, præcipue ubi balneo aquæ dulcis uteretur. Cum vero & à calculo & ab ejus fragmentis orificium vesicæ esset sauciatum, ad leniendum dolorem medicamenti usus est. Atque ita horum medicamentorum usu 17. septimanarum spacio à calculo isto liberatus est.

XI.

Nòn immerito hic cautela subjungenda, non promiscue in leviori etiam casu millepedas exhibendas esse aut alia fortiora diuretica, quod etiam admonet Paull. Barberr. Prax. Med. cap. de dol. nephritico p. m. 231. his verbis: superest hoc loco moneamus, insecta ea cantharides, millepedes, similisque conditionis alia, diureticis annumerata, non statim ac Urinæ excretio impedita est, usurpanda, cum sæpius plus damni quam commodi ægrotanti adferant, eò quod ejusmodi animalculorum minutissimo satis insit virium, etiam crassissima, attamen fluxilia, mucum scilicet, calculos, arenulas & ejus generis alia, ureteres transire valentia, penetrandi expellendique. Hinc alia tanquam correctoria addi possunt: sic quando exhibent pulverem milleped. nonnulli addunt flores nitri Mynsichti. Alii Nucem Moschatam. Nonnulli cum emulsionibus ex sem. 4. frig. maj. milij Solis papav. alb. & aquis diureticis propinant, aut parant decoctum diureticum ex mucilaginoso & dulcibus concinnatum, v. c. ex rad. glycyrrh. alth. gramin. bacc. alkek. passulis, sem. 4.

frigid. hordeo &c. Addito syr. dialth. Fern. & in hoc exhibent. Hac enim ratione Sal volatile acce mitigatur & temperatur.

XII.

Cum hic laudentur millepedes ad calculos in mucilaginem reducendos, non prolixè tractabimus illam questionem an dentur verè medicamenta lithontrica? Equidem plurima remedia, imò arcana sub hoc titulo venditantur, sed si dicendum quod res est, effectus titulo non respondet, & sæpius cum exiguo vel nullo fructu exhibentur, modo non quandoque eum damno & noxa derentur. Hoc quidem affirmamus, mucilaginem ejusmodi tartaream nondum in siliceam duritiem concretam ope medicamentorum resolvi posse, ut sub forma muci, luti vel arenularum excreantur, quod millepedes præstitisse exemplis antea productis patet. Hunc effectum iisdem non denegat Den. Ludovici Pharm. de diureticis animalibus, accuratus alias remediorum censor, inquit: Certum est nobis, quod arenosas in vesica conglobationes interdum expulsiat, tum per se tum aliis solventibus sociati. Certum tamen & hoc est quod in compaeto siliceoque Dulech. valcant, nil aut parum in propellendo renum calculo, præsertim vehementiori ureterum crispatura, cuius iudicio & nos accedimus. Concludimus verbis Horatii Augenii l. c. p. m. 609. Calculum durum & antiquatum frangere nemo potuit, molliorem, rophaceum, friabilem, recentem cum difficultate frangemus, in juvene, non in senē, ubi aperti sunt meatus, non adstricti, ubi vires validæ, agrotus Medico parer, Medicusque suo munere perfungitur. Subjungit tamen: Ac etiam si conditiones adsint hujus-

modi, raro tamen hoc opus medicamentis absolvitur.
In qua sententia & nos acquiescimus.

XIII.

Vti millepedes ob sal volatile nitrosum egregie incisivum potentem vim diureticam possident, ita etiam conducunt in iis morbis, ubi serum superfluum per vias Urinarias est eliminandum, cum non tantum vim diureticam obtineant, sed etiam seri visciditatem & lentorem, & propterea facile in partibus stagnans tumores oedematosos pariat, emendent, eique fluxilitatem concilient. Ita in cachexia, & hydrope conducunt, partim serum evacuando, partim in gelatinam abiens attenuando & liquando. Willis in hydrope scorbutico superveniente laudat, & h. m. exhibet. *R.* Milleped. præp. *℥*ij sal tartar. *℥*ij Nuc. Mosch. *℥*j M. f. pulv. dos. *℥*ß bis in die cum liquore appropriato. River. in Prax. in hydrope præbet asellos cum vino albo tritos, diu continuatos, tanquam remedium efficacissimum ad provocandam urinam. Et sæpius in hydrope sale volatili prædita remedia fixis sunt præferenda, uti hoc ipsum quoque monet Willis Pharm. Rat. Sect. 2. cap. 3. b. inquit: in hoc statu ad urinas ciendas ea tantummodo propinare oportebit, quæ sanguinis constitutionem ita restituunt & emendant, ut pars serosa intra renes separari & uberius amandari possit, in quem finem non acida aut lixivialia, verum sale volatili prædita destinantur. Nam sæpius observavi, in ejusmodi ægrotantibus, ubi mineralium stigmata acida, salis tartari aliorumque deliquia aut solutiones, noxæ potius quam commodo extitere, succum herbarum sale volatili abundantium, nec non millepedarum expressiones plurimum juvasse. Jonst. Pract. lib. 4. c. 47. in ascite lau-

dat sal millepedarum , qui si evomitur pro deplorato æger à quibusdam habetur. In Tympanite si aliqua remedia opem promittunt infusum millepedarum cum Nuce Moschata in aqua diuretica commendat Willis Pharm. rat sect. 2. c. 4. p. m. 131.

XIV.

Ad humores viscidos resolvendos utiles sunt, ita in appetitu ob ventriculi mucilaginem imminuto laudat Schroederus , licet nos in hoc affectu commodiara & meliora prostare censeamus. In ictero à bilis visciditate, & hinc orta obstructione quoque utiliter dantur. Galen. in l. de medicinis facil. parab. in morbo regio ex mulso propinat. Et Plin. l. 30. c. 11. in vini hemina exhibitas laudat. Nec solum in Hepatis sed etiam reliquorum viscerum infarctu utiles sunt , quia potenter incidunt, penetrant & resolvunt , hinc Ettmüll. etiam in affectibus splenis & hypochondriis magni usus esse dicit. Willis. Pharm. Rat. Sect. 2. c. 1. p. m. 126. h. m. in ictero præscribit: \mathfrak{z} . Milleped. recent. & viv. n. 50. ad 100. croci 3ß Nuc. Mosch. 3j simul contusis affund. \ve Chelidon. \mathfrak{z} iiij f. expressio fortis & ebibatur , ad hunc modum sumatur primo semel , dein bis in die per septimanam.

XV.

Inprimis vero in asthma & resolvenda mucilagine implente & infarciante Pulmones, non haberi potentius remedium idem Ettmüllerus affirmat, ratione salis volatilis incidentis, quocunque modo præparentur & propinentur , propinati in mediocri dosi sunt expertissimi in asthma, sive aselli cum aceto & vino propinentur ad aliquot. gr. v. usque ad \mathfrak{z} j sive in petia ligati infundantur vino & hoc post
ex-

expressionem hauriatur, ad infarctus pulmonum mire conducit & egregie convenit; alii faciunt Electuarium ex milleped. præparatis cum melle & gum. ammoniaco pro curando asthma & similibus pulmonum affectibus est expertissimum & potentissimum. Galen. lib. 7. de compos. med. sec. loc. cap. 6. p. m. 186. ubi de orthopnæa seu asthma agit, inquit: cæterum asellorum meminit inter ea (Asclepiades nempe, quæ ad dyspnoicos conscripsit) ut qui tenuatoriam & discussoriam vim habeant, verum quo consilio ad usum ipsorum pervenerit, non habeo quod dicam. Idem affirmat Andromachum ad orthopnæam Elatærii oboli dimidium cum asellis tritis ex væ cyatho dedisse. Ettmüllerus hinc inde in suis operibus valde extollit eorum usum. In Praxi dicit: aselli ex præstantissimis sunt specificis, contra asthmata, communiter quidem ad humida laudantur, non inepte tamen etiam ad convulsiva adhibentur. Adeo ut fomiti quorumvis asthmatum eradicando videantur convenientissima & cap. de aëris inspiratione læsa dicit: vix scio an melius magisque conducens remedium sit contra asthma, quam aselli, hi ipsi namque ab omnibus authoribus commendantur, quidam vinum macerationis millepedum pro potu ordinario asthmaticis propinant. Subjungit: recte hinc dicit Lindanus in Coll. M. S. super Hartmannum: quod in solo hoc animalculo perfecta sit cura asthmatis. Concludit his verbis: Et sane multa alia in his latent arcana, quæ paucis nota.

XVI.

Joh. Ferdinand. Hertodt in sua Crocologia c. 13. pag. m. 128. in asthma puerorum commendat, inquit: Nos in asthma puerorum millepedas, cum cro-

co & cinamomo vino infundimus, & modico sacchari
candi albi edulcoramus, certissimo experimento. Fran-
cisc. Joël. in sua Praxi sequentem portionem usurpavit
in asthma, ex quo deinde plures alii eam desumserunt.
℞. Vin. Milleped. vel asellor. ℥viij fyr. hyssop. mar-
rub. āā. ℥ij Essent. helen. ℥ij Croc. 3℔. M. f. potio pro
aliquot dosibus. Tale vinum macerationis millepe-
dum in dicta loco vini consueti, quidam adhibendum
suadent, cujus vini usum mire commendat Ettmüll.
Instit. p. m. 84. in asthma senili. In phthisi nonnul-
li quoque exhibent, uti Bonet. in Polyath. p. m. 61.
dicit: quin imo pulvis oculorum 691. millepedum,
aliorumque sale alcali aut volatili præditorum sæpe
magno cum fructu exhibetur. In phthisi sub forma
pilularum dat Willis. Pharmac. rat. Sect. 1. c. 6. p. m.
51. ℞. Milleped. præp. ℥ij pulv. sem. uttic. bardan. āā
3℔ ol. nuc. moschat. stillat. ℥j sal. succin. 3℔ succ. gly-
cyrrh. q. s. f. pil. exiguae, quarum tres sumantur ma-
ne & vespere. In tussi puerorum convulsiva & phthisi
incipiente seq. præscribit mixturam ibid. p. m. 54. ℞.
Milleped. vivorum mundat. ℥ij sem. anis. ℥j nuc. mosch.
3℔ sacchar. albiss. ℥j contusis affund. aq. hyssop. ℥vj li-
macum ℥ij f. expressio fortis. dos. cochl. ij vel iij bis in die.

XVII.

Uti in asthma humido & viscido utiliter ex-
hibentur, ita quoque in convulsivo non inepte dan-
tur, in forma pilular. exhibet Bonet. Polyalth. pag. m.
168. ℞. Millep. præp. ℥ij flor. benz. 3℔ salis succin. ℥ij
Extr. helen. 3℔ Castor. 3℔ Croc. ℥j Thereb. Venet. q.
s. f. massa in pilulas exiguas formanda, capiat iijj omni
mane & vespere. Sicuti easdem Willis tract. de morb.
convulsiv. cap. 5. p. m. 485. hoc modo præscribit in
convulsionibus. ℞. Pulv. Milleped. præp. ℥ij sem. am-

meos ʒi f. pulv. divid. in 10, part. æq. sumatur dosiſ bis in die. Vel aſellis 12. contuſis cum vino albo affuſo exprimatur ſuccus f. hauſtus, ſumatur bis in die. Vel ꝥ. Milleped. mundator ꝥij caryophyll. concis. ʒß ſuper-
affunde vini albi ꝥij deſtillantur in cucurbita vitrea doſ. ʒj ad ʒiſ bis in die. Nec ſolum in motibus convulſivis, ſed etiam in Paralyſi idem Willis. Patholog. part. 2. c, 9. p. m. 219. in forma pilularum præſcribit. ꝥ. Millep. præp. ʒiiß Margar. ʒiſ rad. diſtamn. Cret. ʒj Thereb. Venet. q. ſ. f. Maſſa, formetur in pilulas exignas doſ. ʒß ſuperbibendo hauſtulum aquæ deſtillatæ.

XVIII.

Cum inſignem poſſideant vim incidendi & diſcutiendi, in angina aliisque tumoribus reſolvendis & abſumendis commendantur. Galenus l. 6. d. comp. med. ſec. loc. p. m. 174. ſub titulo, quæ Archigenes ſcripſit ad gurguliones inflammatos inquit: quidam aſellos in potu exhibent, aut delingendos dant, aut dolentibus & affectis partibus illinunt & valde ſe juvari teſtantur. Dioſc. l. 2. c. 23. q. Millepedes illini anginis cum melle utiliſſimum. Platerus in ſua Praxi: in angina oleum in quo millepedes coquantur utile dicit: idem dicit: cum tumores non ſolum elicere, ſed eoſdem ſimul exſiccare, abſumere, digerere animus eſt, ad ſeq. progredimur, millepedes ſiccatos, pulveriſatos & cum melle inunctos, conf. Bonet. Polyalth. p. 11. & 12. in aliis quoque tumoribus & concretionibus, item in ſcrophulis parotidibus &c. diſcutiendis cum fruſtu applicantur.

XIX.

Singularis quoque vis anodyna iis adſcribitur, unde in multis morbis cum dolore conjunctis adhi-

bentur. Galen. l. 2. d. comp. med. sec. loc. p. m. 137. ubi de cephalæa s. capitis dolore antiquo agit, inquit: maxime etiam profunt, sub aquario vase nascentes aselli, millepedæ appellati si oleo incoquantur, & Willis Patholog. part. 2. c. 2. p. m. 149. q. Millepedum usus hic omitti aut postponi non debet, utpote quorum succus expressus, aqua destillata, etiam pulvis ex iis paratus pro curandis antiquis & pertinacibus cephalalgis opem sæpe egregiam præstant. Similiter quoque in aurium doloribus præscribuntur: Galen. l. 3. de comp. med. sec. loc. sub titulo quæ pharmaca Archigenes ad aurium dolores conscripsit, q. Severus asellos cum unguentis tritos ulceratis infundebat. Bonet. Polyalth. p. m. 999. q. in doloribus aurium convenit oleum decoctionis asellorum, tepide auribus instillatum, aut cum bombace iisdem intincta immissum, & Riverius Prax. lib. 3. c. 3. p. m. 220. aselli in oleo violacco, nymphææ & rosaceo infusi & expressi in doloribus aurium præstans faciunt anodynum. Hæc enim animalia eximiam habent vim dolorem sedandi eaque ratione in doloribus, dentium, hæmorrhoidum aliisque usurpantur, & in oleis cum aqua decoquuntur ad æquæ consumptionem.

XX.

Non tantummodo vero in doloribus oculorum sed etiam aliis eorundem affectibus conducunt. Unde Joh. Jonston. hist. Nat. de insect. p. m. 170. q. Oculorum fere omnes morbos ab adnatis vel innatis ortos tollunt, catarracta excepta, si recentes bene contriti ex convenienti liquore sumantur, vel extra adhibeantur. Langio l. c. oculorum vitiis interne & externe mederi dicuntur. Ita in inflammationibus oculorum interne pulverem Millepedum præscri-

plur. Joh. Muys Chirurg. ration. decad. vj. obs. 8.
p. m. 21.

XXI.

In dolore hæmorrhoidum urente sæpiusque atrocissimo, gratum millepedæ præbent levamen, ita Jonston. Pract. l. 4. c. 35. suadet ut millepedes in adipe Gallinæ, butyro non salito an. part. æq. & adipe anguillæ ad consumptionem decoquantur. Obstetrix Gallica part. 4. c. 4. his sic utitur. R. Poma arida (vel potius putrida) bulliant cum aqua rosacea ad molli-
tiem, admisce asellos contritos, tunc inducantur linteo & imponantur m. & v., videbis tumorem, inflammationem & dolorem statim mitigari. Petr. Borellus c. 1. obs. 63. p. m. 65. asellos cum radice porri in oleo incoquit, & si sunt externæ hæmorrhoides illi-
nit, sin vero internæ intus infundit oleum. Mos. Charas Pharm. ita præscribit: R. Pulp. milleped. Ung. popul. ol. ovor. āā ʒj extract. opij ʒj M. f. l. a. lini-
ment. Sed opium anodynus externis frustra addj vi-
detur. Reiner. Solenander Consil. Med. Sect. 4. Cons. 20. p. m. 381. Unguentum inde conficit, sed ait se sæ-
pius hoc ante hæc usum, & uti feliciter, parat h. m. R. olei violac. ʒij asellorum ʒj addit, centum aselli me-
diocres ut plurimum unciam pendent, tusos inde oleo,
atque in vase terreo leviter coque, tum adde ceræ al-
bæ recentis unciam mediam, deinde cola & exprime
in aquam frigidam, si exterius prominent, unguen-
tum in splenio imponit, sin intus latent in formam
glandis involvit, atque splenium linamento inductum
superaddit. Eosdem asellos in doloribus hæmorrhoi-
dum tanquam remedium secretum laudat Rod. à Fon-
seca, l. 1. Cons. 27. p. m. 184.

XXII.

In doloribus scorbuticis, item in arthritide vaga scorbutica quoque à nonnullis utiles censentur conf. Willis, de affectibus hystericis & hypochondriacis. Et quidem in arthritide vaga scorbutica dilaudat. Gregor. Horst. Epist. Med. Sect. 2. p. m. 354. q. quod asellos at-
tinet non repugnarem, tam virtute sua tartareas colle-
ctiones easdem dissolvere, quam etiam aliena quadam
qualitate vim expultricem extimulare posse, quo con-
iunctis aliis appropriatis eò citius malignitas nervosis
partibus inimica discutiatur. Confirmat hoc ipsum
Valent. Andr. Mollenbroec de varis c. 13. p. m. 237. &
maximam vim habere obstructionem viscerum referan-
di, & tartareas collectiones dissolvendi. Allegat ibi-
dem literas Lic. Pflug Chymiatri Erfurtensis, se putare
quod ex iis æquivalens cum eo, quod ex viperis fit,
medicamentum parari possit, si in sal redigantur imo
exiccati & pulverisati chtonicos morbos curent, quia
ob sal terræ mire aperiant & deoppilent. Narratque
simul in iisdem literis, Empiricum Anglum ex Can-
tharidibus sal crystallinum parasse eoque in curandis
morbis multa præstitisse ac dimidio istius salis grano
pro dosi, podagricos & calculosos prodigiose curasse.
Quod ultimum tamen suo leco relinquimus.

XXIII.

Denique etiam usurpantur, pro curandis ulce-
ribus malignis & phagædenicis, item vulnera recentia
& inveterata solent nonnulli curare usu interno asello-
rum ac in Anglia hoc usitatum esse Ettmüllerus refert.
Exemplum gravis ulceris curati per internum usum pul-
veris millepedum refert Laz. River. Cent. 4. obs. 89.
p. m. 552. mulier nobilis laborans tumore mammae si-
nistre perduro ex concretionem lactis, irritis omnibus

curata est sumendo ʒi pulveris millepedum præp. in iusculo per triduum, hujus autem pulveris eximias dotes sæpe vidimus & audivimus ab expertis in hujusmodi tumoribus ex lacte concreto, nec non etiam in cancro mammarum ac reliquarum partium, ut contigit cuidam viro religioso, qui patiebatur ulcera multa etiam profunda in multis partibus corporis, præcipue vero in tibiis, à quibus brevi tempore curatus est sumendo ʒi prædicti pulveris, per 7. vel 8. dies alternos, præmissis tamen præmittendis, præterea pulvis hic cum sit tenuium partium, insigne præbet aperitivum & diureticum.

XXIV.

Multifarii usus esse ex dictis patet, ut recte Galeno non uno in loco & non ad unum morbum celebrantur, ita externo usu varie se quoque commendant, uti ex supra dictis satis patet, vivi impositi phagedænam perimere dicuntur Schroedero, itemque paronychiæ succurrunt, mammis foeminarum exulceratis conducunt in forma emplastri, contriti & cum therebinthina, myrrha, applicati ulcera aliàs sanatu difficilia curant, in fistulis succus è vivis elicitus inijcitur, & si quæ sunt alia.

XXV.

Non tamen promiscue & sine cautela exhiberi debent, ipsum pulverem squameum quasi & vel originis causa, ingratiorem pronunciat Dan. Ludov. cap. d. diureticis animalibus. p. in. 336. dum dentur tot acceptiora palliativa, & nihilominus ipsa dispositio (calculosa) inemendabilis passively deprehendatur: sed non quævis ingrata sunt statim rejicienda, & lubenter concedimus iis qui talia remedia ratione originis abhorrent, non esse exhibenda, nec etiam insciis sed multi tamen dan-

tur, qui talia plane non fastidiunt, modo optatus sequatur effectus.

XXVI.

Circa dosin quoque cauti esse debemus, quidam exhibeat à ʒj ad ʒj in pulvere, quæ dosis tum ratione molis, tum ratione effectus nimia est, est enim pulvis levis admodum, & recte Schroederus dicit: non facile ʒj transcendendo, nec usum continuo nimia quippe resolvendi vi incommoda non parva inferre possunt. Satiùs mihi videretur à minori dosi incipere, eamque pro tolerantia ægroti, & morbi conditione sensim augere. Aliàs quoque varia incommoda recensentur, quæ post assumptionem insequuntur, nimirum calor totius corporis, pruritus in inguine, non secus ac ex cantharidibus assumtis, id quod tamen vix aliter quam de dosi excessiva intelligendum erit, angustia præcordiorum, & in tenerioribus deliquia, hinc cum acres sint aselli, in delicatis ob metum incommodorum dictorum vix pulverem eorum in usu esse censet Ettm. Comment. Ludov.

XXVII.

Uterius & hoc observandum, quod in compa-
to filiceoque calculo nil valeant: deinde quod in
ipsis doloribus nephriticis atrocioribus nil vel parum
valeant, in propellendo renum calculo, sicuti in genere
reliqua quoque forriora calidiora & acriora pellentia
exulare debent, præsentem scilicet vehementiorem urete-
rum crispatura, uti Ludovici loquitur, qua supposita
omnia pellentia in vanum adhibentur, cum alias dolo-
res exasperentur, potius tunc conveniunt lubricantia,
blanda demulcentia, anodyna & antispasmodica.

XXVIII.

Modus exhibendi varius est, vel enim recenter

capiuntur & succus expressus vel in jusclo, aut aqua
convenienti, vel etiam vino albo diuretico exhiben-
tur. Addi potest vino cinamomum, & saccharo edul-
coretur. Qua ratione vero copia eorum colligi possit,
modum tradit Mollenbrocc. de varis p. m. 238. si nimi-
rum orbes jusclo carniū madefacti in cellis aliisque
subterraneis locis, ubi degere solent, ponantur, facile
ibidem congregabuntur, quos in vas aliquod conijcere
& brevi temporis spacio magnam eorum copiam ha-
bere potest. Exsiccati in forma pulveris dantur, licet
hac ratione sint ingratiore. Quomodo vero sub aliis
formulis tam interne quam externe dari possint, ex su-
perioribus thesibus facile perspicui poterit.

XXIX.

Hoc adhuc adjungendum esse videtur, an signa-
tura aliquod indicium præbeat de viribus millepedum,
siquidem nonnulli dicunt locum natalem saxosum indi-
care ad calculorum curationem asellos facere, pariter
aptitudine & propensione se contrahendi indicare ad
convulsiones non esse inutiles, quæ indicia tamen in-
firmo admodum stant talo, nec ulli solido fundamen-
to innituntur.

XXX.

Varie autem millepedum instituuntur præpara-
tiones, alii cum vino lavant, & exsiccant, alii cum a-
ceto idem faciunt. Ludovici Pharm. asellos modo
simplicissimo nec vulgo destructorie potius præparatos
cujuslibet defectui remittit. Et quo simplicior est præ-
paratio eo videtur melior, Sennert. Prax. l. c. p. 849.
seq. profert præparationem. Sumuntur millepedes,
aqua ononidis abluntur, ut à sordibus purgentur, de-
inde vino Hispanico inebriantur, hinc conjiciuntur in
ollas vitreatas luto diligenter occlusas, in furnum à
panis

panis coctione calentem collocantur, ut in pulverem redigi possint. Huic pulveri rursus affunditur vinum Hispanicum, & sic imbibitio & exsiccatio tertio repetitur, quarta vice hoc liquore irrorantur, & ∇ fragor. Ziij spir. vitriol. Zi\beta . iterum pulvis exsicceretur & tenuissime contritus in vitro usui servetur. Sola lotio cum vino sufficere nobis videtur & vase clauso exsiccatio, nec opus est ut lotio tertia vice repetatur, sicuti eam suadet Pharm. Aug. p. m. 405. fit enim cum partium volatiliū deperditione. Neque enim, iudicio Zwelfferi ulla venenositas ab asellis pertimescenda est, quin potius cavendum, ne in dosi ac utendi modo error committatur.

XXXI:

Nec tam correctio est quam castratio quando siccitas & pulverisatas spiritu vitrioli imbibunt, nam secundum Hoffman. Clav. in Schroed. sufficiunt tantum in pulverem redacti absque spiritus vitrioli imbibitione ad mucilagines tartareas in renibus & vesica resolvendas. Longe magis est præparatio destructoria, quando collectan. chymica Leydens. cap. 143. p. m. 126. talem millepedum præparationem in calculo & urinæ difficultate docent, ut abluantur in vino albo, in vase terreo cooperto in cineres comburantur. Postea in alcohol terantur, vino irrorentur quantum imbibere possunt, levi igne siccantur de novo vino albo irrorantur, hoc tertia vice repetitur, ultima vice singulis uncis asellorum in cineres crematorum additur olei vitrioli vj , exsiccantur cum spatula lignea ad siccitatem, ita obtineri dicunt pulverem diureticum maximarum virium, cuius 3j exhibent cum aq. vitæ Z\beta & decoct. cicer. Zv . l. vj . exhibendum mane jejuno stomacho hor. iiij vel v . ante pastum.

XXXII.

Parari etiam ex iisdem posset magisterium, cum spiritu nitri & oleo tartari ad imitationem magisterii cantharidum Ludovici p. m. 336. ad urinæ mucorisque sollicitationem, quo tamen commode carere possumus. Tinctura quoque inde fieri poterit, si cum liquore nitri fixi irrorentur, & spiritus vini tartari satus affundatur, Willisius extractionem cum tinctura tartari parat, uti supra allegavimus. Aqua diuretica efficax & valida inde per destillationem elici poterit, qualem ex Willisio supra descripsimus. Nonnulli affusione aquæ appropriatæ ophthalmicam aquam destillant quam in oculorum vulneribus atque ulceribus laudant. Infunduntur quoque in oleo pro usu externo anodyno.

XXXIII.


Et hæ sunt præcipuæ præparationes. Eduard. Bolnestus in aurora chymica cap. 5. §. 10. p. m. 20. tradit quintam essentiam centipedum, quam commendat summum sanguinis purificativum etiam in lepra, & ad omne genus ulcerum, sed præterquam quod elogia hæc sint hyperbolica, laboriosus eam parandi modus vix operæ pretium mereri videtur. Cæterum hoc ultimo adhuc subjungendum, si millepedæ integræ destillentur, vel ex retorta vitrea, vel ex cucurbita igne arenæ, exhibebunt. 1. Phlegma. 2. Spiritum urinosum, 3.

Sal volatile, & denique 4. Oleum

Empyreumaticum.

F I N I S.





Pereximio Dn. Respondenti

Amico perdilecto

DE

Speciosis in Medicina

progressibus gratulatur

FRANCISCUS BALTHASAR

von Lindern / M. D.



Erpulchre & non insigni ratione Mant. l. ii. syl. laborum proemia acquirendi hocce sequenti praestantissimo remedio viam nobis manifestavit, dicendo,

*Certandum est nulli veniunt sine Marte
Triumpho,*

Et nisi certanti nulla corona datur.
Et profecto elegantissimum hoc assertum si ulla in arte vel scientia, certe in Medicina est commendandum, quippe cujus solida fundamenta non nisi industria ac indefesso labore acquiri possunt. Tu itaque pereximie Domine Defendens
quam

quam optime quoque facis, qui felices
in studiis facere satagis progressus, ut ar-
denti desiderio fastigium honoris adscen-
dendi diligenti animo incedas & pro tem-
pore ea, quæ manuductione fideli Præce-
ptorum Tuorum per plures hæcenus an-
nos imbibisti, publico documento pro-
prio Marte & ingenio elaborato, jam so-
lenni Eruditorum disquisitioni exponas.
Propterea nullum dubium est, si ita co-
nату infatigabili pergas, quin per Indu-
striam hancce futurum sit, ut Metam
præmiis abundantem ad mea Tuorum-
que tandem Vota adipiscaris. Vale da-
bam Arg. è Muséo d. 5. Februar. 1711.



Dum



Um quid de centumpedibus de-
fendere tentas
Sic precor ex animo ut numen
conata secundet,
Assistatque tuis studiis cum laude per-
actis.
Quo tandem largam messem decerpere
possis.

*Hæc pauca animo suo dilecto Respondenti
apponere voluit*

J. A. Leitersperger, Med. Cultor.



Ui Tibi de celsâ proponis, Amice,
Cathedrâ,
Millepedum vires hocce die
eruerè;
Et dubiis contorta plicis quæsitæ, parato
Ac exquisito solvere iudicio,

Gratu-

Gratulor ex animo Tibi, semper & ap-
precior, hisce
Adspirent cœptis fata secunda tuis.

*Ita
Doctissimo Domino Respondenti
Commilitoni suo amantissimo
vovet*

Joh. Casparus Mustinger,
Med. & Chir. Stud.



Um TIBI sit curæ, dare jam spe-
cimen studiorum
Ardua scrutando sedulitate
Tua;
Dum foves nisus hos, laudibus ecce ve-
hêris,
Atque Galenus opes, commoda mul-
ta dabit.

*Paucula hæc Dn. Respondenti ex sincero amicitia
vinculo gratulabundus adjecit,*

I. I. Kœrner, SS. Th. Stud.



Iccine mi affinis ? docto tentami-
ne complex?

Spem claræ stirpis? sic tibi mu-
sa favet;

Perge Tuis studiis , nam nil nisi vera fa-
tebor.

Inde eris aonii gloria magna chori.

*Hæc pauca Nobilissimo Dno Respondenti nec non Cognato
sibi Charissimo in perpetui amoris
testimonium adscribit*

M. Elvert , LL. Cultor.

